



Broj: 14-11-1098/26  
Vogošća, 12.06.2026. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 12.06.2026. godine donio je

**ODLUKU  
O PONIŠTENJU OTVORENOG POSTUPKA NABAVKE UNAPREĐENJA SISTEMA ZA  
UPRAVLJANJE DOKUMENTIMA SA USLUGOM ODRŽAVANJA I CLOUD  
INFRASTRUKTUROM**

**Član 1.**

Poništava se Otvoreni postupak nabavke unapređenja sistema za upravljanje dokumentima sa uslugom održavanja i cloud infrastrukturom, broj: 14-11-1098/26, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

**Član 2.**

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 13.05.2026. godine donio Odluku o pokretanju Otvorenog postupka nabavke unapređenja sistema za upravljanje dokumentima sa uslugom održavanja i cloud infrastrukturom, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 13.05.2026. godine pod brojem: 1353-1-2-106-3-102/26. Tendersku dokumentaciju sa Portala javnih nabavki BiH je preuzelo 24 (dvadesetčetiri) ponuđača.

Krajnji rok za dostavu ponuda bio je 03.06.2026. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 03.06.2026. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača/grupe ponuđača "BH Telecom" d.d. Sarajevo – voditelj grupe i "Orka" d.o.o. Sarajevo – član grupe, broj int. knjige 14/26. pod brojem 338., sa ponuđenom ukupnom cijenom nabavke u iznosu od 249.660,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-1098/26 iz maja 2026.

godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponuda ponuđača/grupe ponuđača "BH Telecom" d.d. Sarajevo – voditelj grupe i "Orka" d.o.o. Sarajevo – član grupe ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod b) Tenderske dokumentacije propisani su uslovi tehničke i profesionalne sposobnosti koje je ponuđač obavezan ispuniti:

- b) obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikaciju lica koja su odgovorna za pružanje konkretnih usluga, tj. da ponuđač za potrebe realizacije predmeta nabavke ima na raspolaganju angažovano tehničko osoblje, i to:
  - Minimalno 5 (pet) certificiranih tehničkih lica od kojih najmanje 3 (tri) trebaju biti diplomirani inženjer elektrotehnike (VSS ili minimalno 300 ECTS bodova po bolonjskom procesu), smjer informatika ili telekomunikacije ili drugi tehnički smjer sličnog usmjerenja iz domena slabe struje sa radnim iskustvom od minimalno 5 (pet) godina na mjestima Mrežnih i/ili Sistem administratora;
  - Minimalno 3 (tri) tehnička lica koji trebaju biti diplomirani inženjer (VSS ili minimalno 300 ECTS bodova po bolonjskom procesu), smjer informatika ili telekomunikacije ili drugi tehnički smjer sličnog usmjerenja sa radnim iskustvom od minimalno 5 (pet) godina na poslovima administratora informacione sigurnosti.

Tačkom 7.4.2. pod b) Tenderske dokumentacije propisano je:

b) „Za 5 (pet) tehničkih lica: Diploma o završenoj VSS elektrotehnike ili minimalno 300 ECTS bodova po bolonjskom procesu smjer elektrotehnika ili smjer informatika ili telekomunikacije ili drugi tehnički smjer sličnog usmjerenja iz domena slabe struje, dokaz o radnom angažmanu i izjava (Aneks 5) o radnom iskustvu.

Za 3 (tri) tehnička lica: Diploma o završenoj VSS elektrotehnike ili minimalno 300 ECTS bodova po bolonjskom procesu smjer elektrotehnika ili smjer informatika ili telekomunikacije ili drugi tehnički smjer sličnog usmjerenja iz domena slabe struje, dokaz o radnom angažmanu i izjava (Aneks 5) o radnom iskustvu.

**Napomena I:** Dokazi koji se dostavljaju moraju biti originali ili ovjerene kopije.

**Napomena II:** Dokazi o radnom iskustvu za sve tražene osobe mogu biti Izvod iz Matične evidencije uposlenih (PIO/MIO) ili Potvrde-Uvjerenja izdata od strane Poslodavca ili Izjava ponuđača vezana za traženo iskustvo na radnim mjestima Mrežnih, sistem i administratora informacione sigurnosti (ili ekvivalentnih radnih mjesta po internoj sistematizaciji ponuđača).

**Napomena III:** Dokazi o radnom angažmanu za sve tražene osobe mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b).

Tenderskom dokumentacijom propisano je da **Dokaz o radnom angažmanu mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji**. Nadalje, tačkom 8.1.1. Tenderske dokumentacije propisano je da su ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68. Zakona.

Ponuđač/grupa ponuđača "BH Telecom" d.d. Sarajevo – voditelj grupe i "Orka" d.o.o. Sarajevo – član grupe u Ponudi je dostavio diplome o završenoj traženoj stručnoj spremi za 5 (pet)

tehničkih lica - VSS VII stepen diplomirani inženjer elektrotehnike elektrotehnika ili smjer informatika ili telekomunikacije ili drugi tehnički smjer sličnog usmjerenja i Potvrde poslodavca o random iskustvu za 5 (pet) lica, te kopije Ugovora o radu za navedena lica, ali nije dostavio nijedan od dokumenata propisanih tenderskom dokumentacijom kojima dokazuje radni angažman za navedena lica.

Detaljnim pregledom dostavljene dokumentacije Komisija je konstatovala da su dostavljeni ugovori o radu kopija, da su na kopiju stavljeni pečati ponuđača, ali da nisu ovjereni od strane nadležnog organa. Također, Komisija je konstatovala da jedno od lica za koje je dostavljena potvrda o radnom iskustvu nema traženih 5 godina radnog iskustva u struci.

Nadalje ističemo da je tenderskom dokumentacijom propisano da **Dokaz o radnom iskustvu mogu biti izvodi iz matične evidencije uposlenih (PIO/MIO) ili Potvrde-Uvjerneja izdata od strane poslodavca.** Tačkom 8.1.1. Tenderske dokumentacije propisano je da su ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68. Zakona.

Ponuđač/grupa ponuđača "BH Telecom" d.d. Sarajevo – voditelj grupe i "Orka" d.o.o. Sarajevo – član grupe u Ponudi je dostavio diplome o završenoj traženoj stručnoj spremi za 3 (tri) tehnička lica - VSS VII stepen diplomirani inženjer smjer informatika ili telekomunikacije ili drugi tehnički smjer sličnog usmjerenja i listu osiguranih lica izdatu od nadležne poreske uprave kao dokaz o random angažmanu za ta lica, ali nije dostavio nijedan od traženih dokumenata kojima bi dokazao radno iskustvo za navedena lica - diplomirani inženjer smjer informatika ili telekomunikacije ili drugi tehnički smjer sličnog usmjerenja - VSS VII stepen.

Zbog prethodno navedenog, a u skladu sa odredbom člana 2. stav I alineja 2 i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je neprihvatljiva jer ne ispunjava kriterije za kvalifikaciju privrednog subjekta.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke unapređenja sistema za upravljanje dokumentima sa uslugom održavanja i cloud infrastrukturom, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14, 59/22 i 50/24).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

OPĆINSKI NAČELNIK

---

**Migdad Hasanović**

Dostavljeno:

1. "BH Telecom" d.d. Sarajevo i "Orka" d.o.o. Sarajevo
2. Nadležnoj Službi

dragan.duvnjak@bhtelecom.ba

3. U dosije
4. a/a

**Akt izradila:** Meliha Čolpa

---

**Akt kontrolisala:** Đejna Sarač

---

**Akt odobrila:** Đejna Sarač

---

**DOSTAVLJENI AKT JE ISTOVJETAN ORIGINALU KOJI SE NALAZI U SPISU PREDMETA**